

# 縣邕縣志卷三

## 垠西莫炳奎星五編纂

### 地理志三

山川下 形勢 關隘

#### 山川下

縣之水。以鬱江爲經。而其上源爲左右二江。

鬱江。（元和郡縣圖志）邕州宣化縣。有鬱江水。經縣南、去縣二十步。（舊唐書地理志）宣化鬱林江。古駱越水也。（新唐書地理志）宣化鬱水。自蠻境七源州流出。（太平寰宇記）鬱江在府西。按邕州帥府也源從左右江入鬱水。流百里。入府城三百四十里。流入巒。

今永淳縣橫貴今平南縣梧封今廣東德慶州端今高要縣廣等一十八州。入於南海。（文獻通考）宣化有

鬱水。案輿地廣記九域志同（明一統志）宣化大江。即古鬱水也。（續通考）在南寧府城西南。左

右二江合流。（明史地理志）宣化城西南有大江。即鬱江。下流爲潯州之左江。（讀史方輿紀要）大江在府城西南。即鬱江也。有左右二江流入焉。兩江俱東北流。至合江鎮。合爲一江。又東至府城。合於鬱江。經府南。亦謂之大江。（註）府境又有左右二江東

經潯州府城。合於右江。案此爲黔江也志云。左江一名南江。以在廣西南境也。一名鬱江。

以舊為鬱林郡也。（名勝志）南寧故屬左江。

案屬左江道也、

然當郡亦自有左右二江

案謂麗江之西洋江也

號。（水道提綱）鬱江亦曰左江。又曰南江。上源有二。曰西洋江。曰麗江。至南寧府

之西。合江鎮。會而為鬱江。鬱江自合江鎮東南流。至仙降山北麓。折而北。又東南

。經南寧府城。又東北經道入山南麓。又東北至永淳縣。經橫州貴縣。至潯州府治。

桂平縣。而黔江自西來會。總曰潯江。

案明於南寧置左江道、柳州置右江道、故官書稱鬱江為左江、黔江為右江、省會舊在桂林、此從桂林言之、亦從道

所轄而名之也、又金通志高輯三江考、鬱江曰左江左江道治、舊在南寧、故麗江為左中之左、西洋江為左中之右、此從南寧言之也、黔江曰右江、右江道治、舊在柳州、故柳城以北之融江、為右中之右、宜山以東之龍

江、為右中之左、此從柳州言之也、

左江 亦名龍州河。（元和郡縣圖志）宣化左溪注鬱江。

（通鑑）唐穆宗長慶三年七月。黃

洞蠻寇邕州。破左江鎮。

（讀史方輿紀要）

唐時廣桂容三道、共發兵三千人戍邕州左右二江、三年一代、其後戍軍廢、左右江守兵單薄、咸通二年、南詔乘虛入寇、遂陷邕州、左

右江蓋南蠻入寇之道、案此、為左右二江、見史「宋史地理志」龍州思明等州。屬左江道。

案漢籍之始、本通鑑懿宗咸通二年事、而顧氏引之者也、

（太平寰宇記）左龍（太平寰宇記）邕州左

邑有蠻夷曰道、此宋置以管左右兩江羈縻州峒者、與明清兩朝之左江道不同、右江道倣此、隸邕州都督府。

（太平寰宇記）左龍（太平寰宇記）邕州左

水源從籠州。

案即今龍州、

中流出六百里入鬱江。（方輿勝覽）邕州左出廣源州。至合江鎮。與右

江會為一水。流入橫州（元史地理志）左江出廣源州界。至合江鎮。

與右江水合為一流。號（續通考）龍

鬱江。（明史地理志）憑祥州西北有麗江。自交趾廣源州流入龍州。南有龍江。州有龍江、

即麗江也。下源為南寧府之左江。崇善南有府前江。即麗江。左州南有麗江。新寧州

城南有麗江。一名定祿江。又名文字水。東北入宣化界、

（明統志）

文字水、宣化鬱江上源有二。一為麗江。

經府城西南曰左江。合流處謂之合江鎮。（謝通志）龍州廳龍江二源。一自安南高平鎮牧馬。入廳境西北水口關。歷上下凍州。行百五十里。至廳治前。一自安南諒山鎮之七源州。流入府境西南平而關。歷憑祥州。行百五十里。至廳治前。匯流而東。至江口塘。有寧明州水。案即自東南來會。逕上龍司。入崇善縣界。注麗江。明江（水道提綱）麗江亦曰左江。有南北二源。北源即龍潭水。出歸順州。逕交趾高平府界地。四十餘里。東南流。經下雷州。安平州。太平州。至太平府西境。與南源麗江合案齊氏以今邕水、南源麗江。為麗江北源也。又有二源。一出交趾廣源州。東流入上下凍州西境。逕龍州南境。曰龍江。有憑祥水。西南自鎮南關東北流來會。即龍江西南源也。又東經江口塘。案此為明江。入麗江處。至太平府城西境。與北源自太平州來者合。又東北曲曲逕馱盧墟。新甯州東北流。曰左江。入宣化界。逕合江鎮。與右江會。

右江 亦名百色河。（元和郡縣圖志）宣化右溪注鬱江。（宋史地理志）田州，思恩州等州屬右江道。隸邕州都督府。（太平寰宇記）田州思恩等十七州、州屬右江道、邕州右水。出府西北田州。流入鬱江。（明史地理志）宣化鬱江上源有二。一為右江。經府城西南。會流處謂之合江鎮。（大清一統志）西洋江。在雲南廣南府城南八十里。源出板郎、速部、木王三山。三流相合。東流經富州西北。又東南入廣西田州界。注於右江。（水道提綱）西洋江。源出廣南府寶寧縣西北六十里者兔塘之西南山。逕廣南府城。又東南逕剝隘。又東入廣西界。又東北流逕泗城、鎮安、二府。又東北逕剝色埠。案今百色縣也又東南逕

奉議州、田州、歸德州。隆安縣。西洋江至此曰右江。以在麗江之北也。又東南至南寧府治。宣化縣西境之合江鎮。東南曰沙塘。西與麗江合。右江自廣南者兔塘。至合江鎮。曲折行千餘里。案（明史地理志）顧氏方輿紀要（黃氏今水經）齊氏水道攷綱（以右江爲南盤江、（方輿勝覽）、以石江爲牂牁江、今不從、

左江自魚影灘入境。東北流至下楞墟。有楞溪東流注之。又繞揚美墟一匝。屈折東南流。行六十里。至三江口。與石江合。

魚影灘 縣西七十五里。與扶南那襟塘接界。灘水狹淺。冬春之交。舟行往往失事。盜賊亦於此行劫。以水淺可揭而過。兩岸有上楞劉凌諸村。易於聚散故也。

定潏塘 光緒間地陷成井。可飲千家。又岨更隴傘二石井不涸。亦不溢。

楞溪 縣西八十里。源有二。右出三帽、緣裳、白面、諸山。左出同正官山。至增朗柯而合。至高嶺平而伏。伏處聲若雷轟。復從高嶺下里許。盆湧而出。至下楞墟。北注左江。土人謂伏流曰楞也。盛漲時。江水到灌而入。三十里內田畝。爲之淹沒。

龍潭 在揚美墟側。深不可測。爲鱗潛藪。臨淵羨賞。則羣魚逐隊而出。

蓮花水 在揚美墟側。山有異香。製香鼓資之。他水不及。

金沙灘 在揚美墟下流。有香爐灣、南風灣、大鼓灣。諺云。左江灣。右江灘。各言其多也。

右江自隆安曲流塘入境。挾武緣江。南流江。經中渡墟。得晚蓼小石二小水。

武緣江 縣西北陸路一百五十里。東源出濱州馬嶺。經上林、思隴驛。至武緣東。韋朗六塘。與緣黎江合。名東江。至武緣縣西。又與西江合。始名南流江。至縣西北玳瑁村。邕隆之界。江爲中分。至曲流塘。入右江。鹽艘往來。終歲不絕。水漲時。小輪

船可達武緣城下。古名駱越水。渭龍水。武緣水。（文獻通考）宣化有駱越水。（元豐九域志）武緣有武緣水。（太平寰宇記）渭龍水在府西。案宋邕州帥府也百五十里。水源出澄州

案今上林縣、止戈縣、案止戈唐縣、宋廢、元明以後、爲止戈鄉、今爲武鳴鄉縣北區、在大明山西麓、南入右江。又小武源水。案源當作緣、在府東一百

九十六里。案今名思隴江、武緣江之東源也、（大清一統志）南流江。武緣縣東南三十里。出上林縣大明

山南。至宣化縣界。入大江。（古今圖書集成）南流江。武緣縣南。出大明山。流出宣

化大江。案武緣一江、自明代以來、譌混滋多、遂有何濬可濬可濬諸名、（南寧府志）云、何濬江、在城西一百二十里、發源大明山、歷武緣、至隆安曲流村、入大江、（金鉞通志）引其文、而譌爲可濬、不知

縣西故有可利江也、何濬、可濬、皆可利一音之轉、是譌可利爲何濬、可濬、更誤以可利江、爲武緣江也、（方輿紀要）云可濬水、南寧府西九十里、源出思恩府境大明山、流經武緣縣界、至隆安縣曲流村、合鬱江、又

云、可濬江、隆安縣東南七十里、與武緣縣縣接界、流入宣化縣界、合大江、可通舟楫、其誤以可利江爲武緣江、與府志同、於是何濬、可濬、更譌爲可濬矣、（大清一統志）云可濬江、在南寧府西、自思恩府武緣縣隆安縣

、東九十里、又南經宣化縣西北、入右江、（寰宇記）有渭龍水、在府西一百五十里、源出澄州止戈縣、南入右江即此、其誤與方輿紀要同、顧氏以寰宇記有可濬水、漫以可濬求合於何濬可濬、不知寰宇記有可濬、而無可

濬也、考寰宇記可濬水、在府東八十七里、源出封陵大山、南流入鬱、爲今縣東之大冲江、可濬與渭龍、寰宇記分爲二水、一東一西、相去三百里、至爲明晰、未審統志何以混而爲一、今但以駱越水、渭龍水、武緣水、

南流江、爲武緣江、定何濬江、可濬江、爲可利江、可濬水爲大冲江、作可濬、不作可濬、

晚蓼水 縣西北百一里。出香山。至廖村入江。

小石水 縣西北百十里。出南鞭山崩山村。入江。

又東南經那龍墟洲曰龍洲。曰上林。有上林溪注之。

龍洲 縣西北百里。長二里許。土稱上腴。

上林溪 縣西北九十里。出白山。至上林村入江。有洲橫互焉。竝岸巍然而高聳者。龍

江塔也。

三潮井 在三潮山畔。井水。日三潮。可灌出數十畝。冬雖不溢。然三潮不爽也。又經金陵墟大灘。張溪注之。行七十里。至三江口。卽合江鎮。左江匯焉。始稱鬱江。

金陵大灘 縣西北八十五里。亂礁錯列。怒瀾鬥石。舟楫不戒。輒至漂壞。

張溪 縣西七十里。出金銀嶺。

鬱江東北流。至白沙塘。屈而南。經鷄籠山麓。受王宮白沙二小水。

王宮水 縣西五十里。出綠開山。

白沙水 縣西五十里。出銀甕山。

又經儒禮渡。屈而東南。經老口渡。有彭溪西南來注之。

彭溪 縣西六十六里。出麒麟山。經安平墟。抵儒禮渡。入大江。（水道提綱）鬱江。經白

沙塘之西。合江鎮之東。原作西  
今訂正受西來一小水。

又經柴子渡。折而東。抵大岸村。納饒鈹溪。古思水。

饒鈹溪（方輿紀要）府西二十里。有饒鈹山。下有龍潭。流入大江。（採訪）縣西三十五

里。出大黃山。過潭丁村。窪陷爲潭。名龍潭。其深無藝。常有巨魚。鼓浪而出。竝

饒鈹山麓。至大岸村。入江。

古思水 縣西三十里。一出古思山。一出椅子嶺。合於北槐村。至虎頭嶺。入大江。

（水道提綱）鬱江至仙降山。折而北。仙降山。疑卽今虎頭嶺。以嶺東有盧仙嶺故也。

又自托洲。折而北。經靈灣。納靈犀水。

靈犀水（名勝志）在鬱江上游。時有靈犀出其間（採訪）縣西三十里。

又至石步墟。折而東。得石步二小水。

石步水 縣西三十里。出大鑿山。又鍾毓水。出聖嶺。

又東羅明水。可利江。星盈江。各自北來注之。

羅明水 縣西二十二里。出燈山之麓。至羅明村。入江。有沙洲。

可利江 縣西十五里。出感項嶺西。經可利林。至陳村。入大江。

何瀘、皆疑其誤、實即可利江也、可據何瀘、可利之轉音、與可瀘江無涉、且與譌武緣江爲可瀘江者、更無涉、說見上武緣江、

案(謝通志)宣化縣可瀘水、金通志作可據、府志作

星盈江(府志) 縣西十里。出高峯隘。經寧村、陳村。入大江。(採訪)東漾爲北湖。

北湖(府志) 縣北十里。水自銅鼓陂。匯而爲湖。下流爲龍溪。

案(水道提綱)云、鬱江自仙降山、折而北、又折而東、

有飛來山水、自北東南流、合二水來注之(其小注云)一都龍山水、自東來會、一若竹山水、西合二澗、自東北來會、又云、又東受東北來一水、(註云)即南寧府北境、所謂邕溪也、西南流、又湖水自東來會、又西南入鬱江、湖水當即今北湖、齊氏所謂邕溪、實即今龍溪、其都龍山水、欲幽水、意指可利江、星盈江、今存以俟考

又至上堯林。折而東南流。納九曲水龍溪。

九曲水 縣西八里。源出搓路江。經松柏村。名松溪。行二十里。至羅往村。注大江。

龍溪(方輿紀要) 出銅鼓陂。承北湖諸水。夾府治上游。入大江。(採訪)今名大冲口。

與邕溪夾縣城入江。

又迤東北。經江西岸。繞縣城西南。名大江。又得邕江之稱。至古城南邕溪。引南湖水注之。

大江(府志) 在城西南。左右兩江。至合江鎮、合流爲一江。過邕。流入橫州。爲八景

之一。題曰邕江春泛。(古今圖書集成)鬱江春泛江。繞城之西南。闌鱗鱗集於沙市。

每至春來。皆成浮家泛宅。觀帆檣之叢雜。望烟樹之迷離。小艇溯洄。渺若一葉。堪

入畫圖。

邕溪 出縣北高峯嶺東南麓。東南流。經馬退山。至高井二塘。名茆橋江。挾沙江水。

南流至白石咀。又挾南湖水。曲折西南流。經馬馳坪。至通濟崩橋。入竹籐冲。注於鬱

(古今圖書集成) 在宣化縣北十里。流經四方嶺。馬退山。夾古邕前。流入大流。

案(方輿

紀要)邕溪在府南十里、源出欽州、北流經故邕州治入江、唐以此名州、郡志云、溪源出府北四方嶺、南入江、似誤、是又以今良鳳江為邕溪、宜其以邕州故城、在江南也、郡志所載邕溪、實未誤、

(元和

郡縣圖志)邕州。漢鬱林郡領方縣地也。晉於此置晉興郡。武德四年。於此案今古城口也即晉興郡城。

置南晉州。貞觀六年。改為邕州。因州南案原作西南今不從、邕溪水為名。宣化縣郭下鬱江水。

經縣南。去縣二十步。案據此、則邕州故城、在鬱江北岸明甚、南寧府志、以鬱江南岸亭子雷廟、為古城北、俱誤、說見古城北、

蹟、及下南湖條、(元豐九域志)宣化有邕水。案輿地廣記文(名勝志)邕水流經馬退山。夾

古邕州前。案邕城左為邕溪南湖水、南為龍溪、故云夾也、入大江。韻書邕字從川從邑。以四方俱水也。(說文

解字)邕四方有水。自邕案(廣韻)城池壅通城池者、當作成池、從川從邕。讀若雝。案桂馥說文義證云、王莽傳、邕河水

不流、通作雍、周禮叙官雍氏、注云、雍謂隄防止水者也、地理志、右扶風雍縣、應劭云、四面積高曰雍、歸藏上有高台、下有雝池、淮南時則訓補決竇、塞蹊徑、遏溝瀆、止流水、雝豁谷、巴陵有邕湖、趙東隱詩序云

、邕河者、沅湘之餘波、夏潦奔注、則決為此湖、是邕雍同為邕字、皆取隄防之義、邕城有隄、是即南湖隄也、

南湖 在古城東南三里。方言曰垠。又曰浪。義如滄浪之浪。湖有隄。俗稱垠塍。湖之

兩岸民居。有垠邊麻村津頭數村。垠之分支處。稱小垠。對於大垠而別其稱也。湖水

與邕溪通。(水道提綱)鬱江經南寧府城東南。有南湖水自城南來會。又東南有馬跑泉。東北自高井嶺西南分流注之。高井在府東北境。有水西南流。數十里。爲馬跑泉。又南注鬱江。案高井馬跑泉、即邕溪也。(唐書地理志)鬱水自蠻境流出。州民苦之。唐景雲中。司馬

呂仁。引渠分流。以殺水勢。自是無漂溺之害。乃夾水而居。

案渠水非鬱水也。(太平寰宇記)

邕州邊鬱江。百姓先居一岸。每年秋夏。江水泛溢。郭邑沉溺。景雲年中。司馬呂仁高

案唐志、及輿地廣記、高字疑誤、

於南岸。

案潮之東南嶺、非鬱江南岸、引開小水。若有泛溢。分流而過。

案隄障之不沒人分流也。

家。令百姓兩岸分居。

案今城南古城口、爲唐邕州故城、其東南爲邕溪南湖、鬱水漲時、溪水倒灌入湖、故設隄爲渠、渠爲今南湖、是即唐邕州司馬呂仁所築也、湖繞古城、邕字本義

適合、寰宇記、以今八尺江爲邕水、一統志、以今良鳳江爲邕江、考此二水、去古城遠甚、安得謂之自邕成池乎、

五花洲(府志)在城東北湖中。宋聶安撫築亭於江。

案亭近大江、當非城北銅鼓陂之北湖矣、額曰。南州壯觀。

又有繁陰亭、梅亭、愛蓮亭、熙春台諸勝。安撫使顏敏德、於湖上作亭曰繡衣。廳曰

機宜。今廢。舊爲八景之一。題曰花洲夜月。

案府志別以顏敏德所作湖亭、爲縣北十里北湖村非、今併爲一條、古今圖書集

成)五花洲在城北。湖內水中可居地。又洲在城東二里。一帶皆水澤陂田。郡紳李天

倫建別業其上。翠竹蒼梧。鬱葱環繞。亭曰繁陰。航曰盟鷗。與蕭文端公懸圃日涉園

相望。每至月夕。千溪輝映。四顧茫然。(輿地紀勝)梯雲閣。在府治子城東北隅。踰

街而過五花洲。

案五花洲、在城東北之湖中可居地甚明、子城、東門月城也、踰街、東門新街也、足証洲在城東、而不在心墟鄉之北湖矣、圖書集成、及輿地紀勝之說爲確、(採訪)

城東高廟坡。爲蕭文端公懸圃舊址。居民稱曰花園地。李氏別業近焉。今東門外南湖

。左右一帶陂池。皆五花洲故蹟也。明季兵燹後。廢爲民業矣。

案城內人和坊濠池、舊稱洲汛、至今猶然、則花洲

一地、謊人人殊、究以何者爲是、尚待確查、

龍尾塘（府志）在城東二里迎春亭。

白龍塘（又）在城北一里。望仙坡下。宋狄青駐師坡上。見塘中白羊如龍。故名。

柳塘（又）在城北八里。內有龍窟。（採設）今北湖村北。

五花井（府。）在府治五花館下。

雙井 在南寧衛內。

甘泉井 在府治北味甘。宋州守陶弼築亭於其側曰思泉。高井在城東北二十五里。水由

石出。清冽不竭。案府志分爲二、實一井也、在今高井二塘、

沙井 在迎恩門左。水清湛。味甘涼。邕泉之最上者。右亦有泉。不及此。

木井在城東三里。案近城之井、以此爲佳、清暑解毒、甚益衛生、異方之人、若常飲此水、自無水土不服之患、在昔清季、法越之變、廣西巡撫徐延旭、督帥關外、常取攜此水、運往駐所、以

供飲料、其效可知、

馬跑泉在城東十里。相傳宋狄青南征。駐師馬渴。跑地泉湧。因名（採訪）今名馬馳坪

又經亭子墟。東南流。至豹子塘。如和水西南來注之。

如和水（太平寰宇記）在府西南案宋邕州帥府也五十里案指發源處言源出如和縣。並架爲陂。（名勝志）

源出如和鄉。入鬱（府志）扈江案卽如和之省一名良鳳江。在城南六里。出太平鄉。入大江。

（採訪）別名烏水江。案（水道提綱）云鬱江經南寧府城南、受南湖水、又東有一水、自西南合四溪來注之、最南二源、出廣東界山、北流合而東、北合東來一水、正北流、又合西來一水

、又東流、北合西北來吳村水、又東北數十里、入鬱江、蓋混如和八尺二水爲一也又（一統志）  
府志邕江、在城西南六十里、源出如和山、北流入大江、又名如和水、蓋誤以如和水爲邕溪也

又經縷紗娘灘。

縷紗娘灘

在縣東南滕屋村。近灘有浮水坡。江水盛泛時不沒。

案是灘上下里許、產鱖魚  
味甚佳、爲縣內有名特產

又屈東北。經思賢塘。迤東南。經青山。山有龍湫注之。

龍湫

亦名龍涎井。在青山寺左上數武。明嘉靖間。兵備徐浦。與御史董傳策遊此。鐫

曰董泉。鑿石爲龍頭接之。泉自口出。作池以承之。池溢則下流。溉畦圃。四時不竭。  
舊爲祈雨處。乾隆間郡守蘇士俊。度址於泉旁。築亭顏曰靈涎沛澤。爲記鑲石。

又經瓦窰塘。良慶墟。屈東北經冷水塘。至剪刀墟。歸仁江北來注之。

歸仁江

即三塘江。源出武緣縣南九龍村。入境。過歸仁驛前。南流。至蓉茉村。又名

蓉茉江。有龍潭與蓉茉江同流。潭直通三升米洲。

又東南經漚灘塘。

漚灘

縣南六十里。冬季水涸礁露。灘側僅有龍門鐵一道可通。

又流經八塘尺。寨上村。八尺江匯縣南遷隆、三官、那馬、蒲津、各鄉之水來注之。

八尺江（一統志）

在縣東南六十里。源出廣東欽州。北流入鬱江。（府志）發源自欽州界

案府志、作發源自（今水經）左江經南寧府城西合江鎮。與龍江合。是爲大江。大江又東  
。變趾、歷欽州誤、  
。八尺江注之。源出廣東欽州界。至南寧府城東南六十里。爲人尺江。入於鬱江。

安（太平寰宇記）邕水任府西六十里、北流入鬱江、出欽州安水縣、貞觀六年、改南晉州爲邕州、以南邕水爲  
名、蓋又誤以八尺江爲邕水也、去邕州古城六十里矣、考宋志、欽州有安遠縣、今爲欽縣治、安水殆安遠之縣、  
（採訪）有三源。正源曰南洲江。出縣南三官鎮之煉嶺北麓。東北流至板回村。受蒲茶

水。至南洲墟南甘水。自窰黑山來注之。又東北十里。至康樂村。玉成溪。匯三官嶺北諸水注之。至此又名滑石江。又十里。至八百村。受八百水。又經南疇村。得段蓬水。又北十五里滄滴灘。灘高二尺許。冬季褰裳可涉。又東北二十里。至南來村。南綠溪。自南麗山來注之。又四里。至公安墟西。與西源山子峒江合。水始大。以下始名八尺江。又西北流。五里。至南盆村。得三合水。又十里。經壇排村。得雙藤江。又二里。至三江口渡。與西北源平江合。波瀾更壯。又北二十里。為瀨伏灘、下有深灣。最便棹泊。又十五里。至那直渡。又東北十七里。塘報渡。皆往來通津。得滄添水。出定止嶺。又二十五里。入吳村鄉境。為穹窿灘、南架定止兩山所束而改。又六里。為獨石潭。又北流十五里。入那馬鄉。至談禪村。有瀨西江注之。又東北八里。有龍潭水。是屆良利墟。又二十二里。為那示渡。是屆清良墟。舊為欽廉孔道。光緒中。以寇亂而廢。又六里。礮礮水注之、又六里。是屆那馬墟。有上埠灘。流始緩。又東二十里。花谷溪。自平花谷來南來注之。又十里。入蒲津鄉。五里。出將軍山。下有將軍灘。又五里。至新丁村南。迎利江北流來會。又十三里。經那連墟、是界靈山。鹽艘麤聚處也。有細江口。受州同江潞為白石潭。又經九畹渡。又七里。靈泉注之。又八里。經梁村東北。水勢漸緩。經高石保安二渡。又七里。至八尺塘。寨上村南。注於鬱。源流凡三百六十里。為縣南一大水。異時運船。僅由江口至瀨伏灘而止。近年宏濟公司商人。集資開鑿。更可上溯至公安墟。欽廉魚鹽。咸出於此。

附開鑿邕欽水陸運道說畧、縣城至八尺江口六十里、江口至那連墟二十二里、那連至那馬墟七十里、那馬墟至清良墟十九里、清良墟至良利墟十六里、良利墟至獨石潭二十二里、獨石潭至穹窿灘六里、穹窿灘至塘報墟、二十六里、塘報墟、至那直渡十七里、那直渡、至瀨伏灘七里、瀨伏灘、至三江口二十三里、三江口、至公安墟二十里、公安墟、至滄滴灘十九里、滄滴灘、至天等江五里、天等江、至那稠村十三里、那稠村、至南洲

墟十里、邕城至南洲水程、都凡三百五十九里、自八尺江口、至瀨伏灘、向有船隻來往、畧加疏濬、通行無阻、其自瀨伏至南洲九十里、則大加開鑿、應開之灘十六處、魚梁九度、石橋四處、自南洲墟已上水勢已殺、萬難通舟、由南洲至那悟墟、陸道二十五里、則修築車路以接之、更由那悟墟、至廣東欽縣貴台墟、關悟江、水程十里、經大寺黃屋屯、以達欽廉、

山子峒江 又名平花江。出上思縣東二十里之蕾西山。經蓬樓墟。有那禁水。自北來入之。至滄曠村。有水自上龍隘東南來注之。又東北經壇隨村。行四十里。入縣境。有平花灘。高數十丈。聲聞數十里。巨石障之。下爲深潭。經朝江墟。屈曲北行。至南來村。與南洲江合。始名八尺江。行八十里。

三合江 縣南百四十里。上源曰公渡江。

雙藤江 縣南百三十五里。發源高頭山。會山子峒諸水。行二十餘里。注八尺江。

平江 縣西南百三十五里。又名馱白江。出上思縣東北七十里之東香山。圖書集成所云馱桃溪即此。經竅悟古桃兩堡。入縣西南境。至百排村。受蒙灣水。始名平江。蒙灣水亦出上思縣。又經平江墟。那濛墟。五十里至三江口渡。入八尺江。

瀨西江 縣南百里。上源曰鴛鴦泉。鴛鴦泉者。二泉相麗也。出佈表村。下涕合那涕江。那泯江。又名夾江口。注於八尺江。

龍潭水 縣南七十五里。出潭白嶺下。水從地湧、作碧綠色。深不可測。廣可二頃餘。傍岸怪石錯列。野蘭千本。香氣撲人。岸高處爲龍隱巖。旱則雩焉。其下流又有小潭三十五。名馬脚潭。深亦無底。至良利故墟。入八尺江。

礮礮水 縣南六十里。出木棉麓。附近又有雪川、天龍潭、潭抄水、那潦水。那鑿灘。潭僚水、南溪、那鑿灘。水勢悍激。逆流而爲天龍潭。

迎利江 又名那翁江、那靈江。黃橄江（府志）那靈江。城南六十里。源出茶山。北流至那靈村。入八尺江。（古今圖書集成）黃橄江。在廣東靈山縣西一百六十里。源出上甯都。北流經宣化縣。入八尺江。（靈山縣志）黃橄江。一名那翁江。自上甯都匿時山。西北流至那翁村。合百合江。及宣化滑江。案卽下洞墟水北流至團城。與新墟江合。長年可通舟楫。又經上甯都之那岳村。案卽那靈村與八尺江合。經宣化那連墟。受那憑江。至寨上村。入大江。（採訪）中源曰洞墟水。出縣南火樓嶺。合羅浮水。九平水。入靈山縣那蒙墟。東北得上坦水。至迎利墟北。那翁村南。合黃橄江。始名迎利江。近年開鑿運船。由八尺江上溯至此。又北流至那羌村。與東源會。東源曰那靈江。一名新墟江。出茶山北麓。北流。合靈山縣下甯都諸水。至新墟。會迎利江。入蒲津鄉境。與西源會。西源曰思陵江。出縣南羅浮嶺北。經太安墟。思靈橋。至平流村。南入迎利江。又北流入八尺江。

州同江 上流名那憑江。出靈山。在縣東南五十五里。至州同村。名州同江。縣界分焉。  
。（靈山縣志）那憑江。出靈山縣中甯都峽門。西北行二十餘里。會獅子江。行四十里。入八尺江。

靈泉（府志）在城東南四十里。水從石罅出。中有碧草遊魚。其光可鑑。泉畔有巖。崆峒如樓閣。注八尺江（採訪）又名清水泉。蔣村里許。產嘉魚。里人雷潤夫詩。泉穿巖罅出。魚蹴浪花流。蓋紀實也。去泉數十武。有一泉。而水色特紅。

又東南至蒲廟墟。屈東北。經蓑衣塘。又屈東江。經釣魚塘。迤東北經砧板墟。又東至太冲

塘。江口村太冲江自北合。縣東四塘五塘兩鄉諸水來注之。

太冲江（府志）縣東九十里。原作六十里、今訂正流入大江。（方輿紀要）合遠近諸山澤水。下流入

鬱江。（一統志）寶蓋諸山材多出於此。（太平寰宇記）可邏水在府東。案宋邕州都督府也下同八十七

里。源出封陵大山。案今名了馨山南流入鬱江。（採訪）源出白鑿山。名西江。別源出崑崙山

。名東江。分挾思玉山。了馨山諸水。南行三十里。會於八塘驛。名沙江。經舊寨村

。山心驛。是曰長山之谷。驛路出此。最爲逼仄。東折入篁竹墟。受六帖溪。又南經

粟村、張村、出劍田山口。瀦爲龍塘。南流至下青村。大教江。挾馬嶺上良上黃韋村

諸溪來注焉。經沙平墟。納雙統溪。至細江口。納瓦窰溪。至合水墟。西雲江注焉。

又流經合江村。龍頭江注焉。又經寶蓋村朝川江。挾荷丹水注焉。又流經石燕山麓。

始名太冲江。入谷中。至江口村。注鬱江。長百三十里。爲縣東一大水。其支幹各流

。近山谷者。陂堰相望。自沙平墟以下。則有舟楫之利。案方輿紀要、一統志、誤可邏水爲可瀘江、涓龍水、說見上武緣江、

六帖溪 縣東百二十里。源出高鶴山。至篁竹墟。注太冲江。

龍塘 縣東百一里。乾隆間。村人堙谷瀦水爲池。長至三里。湖光山色。頓開佳勝。縣

東水利。此爲巨擘。

大教江 縣東白一里。源有四。一馬嶺溪。又名七塘江。出南杏山。一上良溪。出白頭

山。至大陸村。合爲太平溪。一上黃溪。一韋林村。分出蒼帽山。至石嶺而合。稍南

。至下良村。與太平溪合。名大教江。至下青村。注太冲江。

雙統溪 縣東百里。出公馬山。經林村六塘驛。至沙平墟。注太冲江。

瓦窰溪 縣東百里。出投軍葛峯各山。至細江口。注太冲江。

西雲江（太平寰宇記）都轄水。

案都轄水、流經站墟、即宋金城驛、宋武官有都轄、當有都轄駐此、而水以名焉、在府東六十里案今爲南

流入可邏水。（採訪）源出武鳴縣東南銀屏山麓。合白鑿山以西諸水。名三江。流六十

里。入縣境。至尖山。伏流。出石穴中。下注深潭。高至一丈。徑五尺。江曲曲流經

五塘站墟。舊有西雲橋義渡。今廢。至合江墟。注太冲江。

龍頭江 縣東七十里。源出邕武界上之六鵝山。至龍頭村。出谷口。至合江村。注太冲江。

朝川江（太平寰宇記）如離水。

案今朝川江、一帶村落、其鐘鼎款識、俱曰如離里、與寰宇記合、

在府東四十五里。南流入可

邏水。（採訪）正源出武緣縣南董煙山。行二十里。合縣東北三岑山諸水。至那筆村。

出谷口。經四塘朝天驛。至滕村。合荷丹水。

荷丹水 縣東五十里。源出縣東北麓。凡山。（府志）明代有荷丹橋。荷丹舖。今廢。至

滕村。入朝川江。流經寶蓋村。注太冲江。

### 又東納青龍江

青龍江 源出廣東靈山縣。名峯堆江。入境。名長旗江。北流至良珍村。受團潢水。至

那舖。受屯陵水。至洞江村。北注大江。（靈山縣志）峯堆江。自縣北下寧都堆宅山。

發源北行二十餘里。會宣化那里江。又十餘里。會中寧都諸小水。及宣化斑峯團諸小

水。又三十里。至長塘墟西。

原作北、今訂正、入鬱江。

又東經東瓜塘、長塘、們頭塘、又東南至伶俐墟。伶俐水北來注之。

伶俐江（太平寰宇記）大武緣水。在府東一百八十三里。案指發源處言、原作濱州、今訂正、源出賓州界。

流入鬱江。（府志）在城東。自崑崙山。案崑崙山北十五里之那古山也、流入大江。金城諸山。案舊為金城、巡檢司轄、

竹木。皆由此出。（賓州志）社留江。州南八十里。有四源。一出那古山分水江。案亦稱分

水峽、東為伶俐江、寰宇記所謂大武緣水也、西為思隴江、即今武緣江東源、寰宇記所謂小武緣水也、一出風門隘。一出尋淥山。一出大媽山。俱

至龍塘廟面等村。合流經沙平墟。過鶴脰村。入宣化伶俐墟。合大江。（水道提綱）鬱

江經南寧府城。又東北流。有伶俐水。東北自崑崙關案關之北也南流注之。（採訪）縣東百

二十里。案一統志、府志、方輿紀要、作八十里誤、自賓陽縣流入。案諸書言源出崑崙關、經永橫、與鬱江合者俱誤、歲出松杉百萬株。水

漲時。小舟可至三灘村。竹筏終歲暢行。源流一百二十里。案水道提綱、誤以太冲伶俐二江為一水、其文曰、伶俐水、東北

自崑崙關西南流、合二水、而東南來注大江、伶俐水二源、出崑崙關南、一西南流、一東南流、而合西南流三十餘里、有石燕山、水自東北來會、又西南數十里、有巨洲、又南有水、東自都石山來會、又有一水、自西來會焉、又南流有一水、北目墨山、及高峯嶺、二溪合而南流、又西北有獨秀山水一澗、合而東南流、皆會而東流注之、又東南流入鬱江、齊氏所謂都石山、獨秀山、意即尖山、墨嶺即大墨嶺、高峯疑即葛峯之譌、其分注各水方位、次序俱蹉駁、

又東那車江注之。

那車江 縣東百三十里。源出賓邕界上三狀嶺。經水東赤城各村。至那車村。入大江。

又東北右界水淳。左界烏浪村。至道庄塘。入永淳縣境。鬱江自合江鎮、至此凡二百四十里、經橫縣。元和志

曰蠻江。名勝志曰月江。至貴縣。方輿紀要曰南江。至桂平縣治。黔江會焉。自合江鎮至此、凡五百六十里、

又經平南縣。元和志曰龔志。至藤縣。曰藤江。九域志曰鐔江。亦曰鐔津。至蒼梧縣治灘水會焉。自黔鬱會流至此。明史曰大江。方輿紀要曰瀾江劍江。蒼梧志曰梧江。亦曰鴛江。自蒼梧以下。名西江。達廣東。以入於海。自蒼梧至海、又九百里、自合江鎮至海、凡二千一百里、其發源縣內。入扶南縣以注左江者曰玉屏溪。入隆安縣以注右江者曰甘溪。入永淳縣以注鬱江者曰羅律江。入廣東欽縣以注南海者曰洪江。欽江別源也。

甕埠江 又名玉屏溪，在縣西七十五里。源出吳村鄉。經馱這玉屏等村。至龍頭墟。入扶南縣。注左江。（金通志）在新寧州五十里。

甘溪 在縣西一百三十里甘村。源有三。入隆安縣為橋峻溪。至梅龜山。注右江。（謝通志）左源曰馱辣溪。在隆安東一百里。發源宣化縣。逆繞上會馱懷村。紆迴曲折。為思龍六圖之水利。右源馱塞溪。在隆安東南八十里。發源宣化更層嶺。經黎李村。中源曰甘溪。即鎮南溪。在隆安東一百里。發源宣化甘村諸嶺。經滕村。繞馱懷村。

（隆安縣志）流入梅龜灘頭。

羅律江 縣東南一百二十里。出劉墟鄉尖山。東流入永淳縣。會秋風江。至淳安墟。注大江（一統志）秋風江。在永淳縣西南三十里。（方輿紀要）秋風江。一名馬卯江。有二源。一出靈山縣界。一出宣化縣界。案即羅律江合流入鬱江。（水道提綱）秋風江。出八尺寨

尖山。原尖作大，今訂正，舊為八尺寨巡檢司所轄，兩源合東北流。過迎恩橋。又東合西一水。又東北經林公嶺。有水自南來會。又東北入鬱江。（靈山縣志）出下及都棠梨新塘諸山。合流至盤龍墟。北行折東。會永淳諸水。行百二十里。入鬱江。

如洪江 縣南百五十里。有三源。正源如洪江。出花甲山南麓道。匯師嶺教王山諸水又。行

三十里。至鴉黃墟。納南敏溪水始大。鄉人莫運佳。近闢運鹽艘。可至墟下。南

流二十五里。至達利村六峒江。挾古沙溪注之。又東南流。至蘭東隘。入廣東欽縣境

。至新舖。受大洞溪。又南至那峯汎。案即崎嶇會東源南鐘江。又數里。有水車江。志一統

江、在欽州北一百里、出靈山縣狼濟山、西南東來匯之。又二十里。至小董墟。又四十里。

流入州界、經小董村、名小董江、合漁江、至漁洪舊關。案亦名黃屋團、與西源大寺江合。入海口。又南三十里。至龍門鎮。與欽江會

。入南海。(元和郡縣圖志)內亭縣。今欽縣小董墟、東南至州、唐欽州治、欽江縣、一百里。因內亭

水為名。案水即今如(文獻通考) 欽州安遠縣。案今欽縣治、有如洪江。輿地廣記、九(方輿紀要)

魚洪江。在欽州西二十里。出西北安京山之陽。(一統志)如洪江。府志州府謂之漁洪

江。在州西南謂欽一十里。案指其流亦曰東江。(古今圖書集成) 東江、在欽州城西二十里、水路往小董等處、源出靈山縣古

寶山。合大寺江。案亦謂之西江也、又南合欽江。出龍門入海。

南敏溪 縣南百五十里。出賀陽山北麓。匯福海山諸水。至鴉黃墟。入如洪江。有橋。

六峒江 縣南百六十里。一名響水江。出畫樓山。西南流。至松木橋。得石屋水。有響

水難。泉聲淙淙然。納南疊達溪諸水。至那曉墟。水始大。鄉人班步雲。議開河運。

直達墟下。以陂隄相望。不果。東南有南橘水。三官堡舊署在焉。至大滿村。受古沙

古沙溪 源出火樓嶺。合獅子水。經龍水、桂葉水。出山客峽。至山貝墟。入六峒江。大洞溪 源出縣南緣眉山。胡盧坳。

南鐘江 縣南百六十里。上源曰岳江。出岳山北麓。自靈山縣那香墟入境。至那潭村。

受茶山水。經南鍾墟。水始暢。鄉人馬冠元。創開運道。鹽艘直達墟下。至堡上村。有堡溪。挾賀陽、雪嶺、那艾、諸水入之。經上汶村。汶溪自岳山、銅魚山、東來注之。又經埠頭村。公榮墟。南受銅魚水。西南流入欽縣之長灘。又南至那峯汛。入如洪江。

大寺江 別源在縣南者曰馬峒江。黎峒江。馬峒江。出綠眉山。合古羅、李女、一小水。

至佛子店。與黎峒江會。黎峒江。出三官嶺。至大悟村南。悟心水自煉心嶺來注之。

二江既合。匯煉心嶺以西諸水。南入欽縣。至貴台墟。注大寺江。又東南至魚洪舊關。

。入如洪江。〔一統志〕大寺江。一名團良江。在欽州西北六十里。源出上思樞手嶺。

〔古今圖書集成一團良江發源廣西樞羊嶺、流經永樂鄉、合漁洪江、入於海、又各圖書集成〕西江、在欽縣城西五十里、住大寺那郎經此、東南流入漁洪江。

### 形勢

睠茲邕部。實為舊藩。接服嶺之要衝。連駱越之奧壤。唐崔遠授李藏邕州節度使勅、控兩江之獷俗。居數道之

游民。唐咸通三年分嶺南東西道勅、

邕管內制廣源。外控交趾。宋史杜杞傳、嶺南邊事奏議、

邊之郡九。而邕管為最重。邕所管幅員數千里。而左右兩江為最重。自邕之西北有牂牁羅甸

。自杞而南。有安南諸國。皆其所當備者。然邕之戍兵。不滿千人。所恃以為藩籬者。左右兩江谿峒。共八十餘處。兵無慮十萬。首領世襲。人自爲戰。如古諸侯民兵之制。其去邕管近者三百里。遠者千里。所恃以維持撫治之者。其爲提舉盜賊都巡檢四員。各以戍兵百餘。

爲谿峒綱領。其責任可謂不輕矣。可不遴選其人。謹護其土。以爲遠方久遠之計哉。宋張栻靜江府奏議

淳熙二年。張栻上言。邕管左右江峒丁十餘萬。每恃以爲藩蔽。其邕州提舉巡檢官。宜精其選。以撫峒丁。欲制大理。當自邕管始云。宋史大理國傳、

咸通三年。分嶺南爲東西道。廣州爲東道。邕州爲西道。又爲都督府。唐大詔令嶺南東西二部。

四十五州。惟有桂邕號爲大府。皇祐丁寶臣雲南頭楚分尾。杜光復風土歌、度嶺而西。爲州二十有五。

而邕州道里延袤。與蠻錯居。有永平、按今寧明縣地、橫山、按今恩隆縣地、二寨。永平通交趾。達於海外。

橫山通自杞羅甸諸蠻。控連巴蜀。所蒞最廣。宋李大異書橫山買馬圖、

嶺南地爲五筦。而桂、邕、容、三筦。地屬嶺南西道。在於本朝。割容以西之地屬廣東。而廣西實全得桂邕二筦。及容管之少半。邕即今南甯府。其地控制兩江。實爲安南咽喉之地。

國初。因前代之舊。設諸十州縣。用其土人爲守長。佐貳幕職。則用流官。惟太平府全用流官。而其屬州。仍其舊俗。凡此羈縻州郡面內。歲久首領世襲。人自爲戰。如古諸侯氏兵

制。遇有征發。亦賴其用。但今控制之戍。僅有南寧馴象二衛。大平一所。似乎單弱。請如之張栻所言。及今無事時。於此地屯兵。以爲重鎮。遴選守將。謹護其土。以爲久遠之計。用

以銷變於未然。大學衍義補

南寧控遏兩江。坐躡交趾。桂筦保障。其在是乎。

明桂廣  
西圖序、

南寧古邕州之地。西通雲南。南控交趾。近阨兩江谿峒之間。嘗考圖經。右江出雲南俄利州左江出交趾廣源州。而會於郡之合江鎮。入鬱江。以達於海。兩江之包絡。地方數千里。大者爲府。次爲州。次爲縣。其最小者爲長官司。時平則南寧通其驛道。一不幸稍有警動。駐節轉饟。亦必於南寧焉。有事故欲經畧兩江。必自南寧始。唐以邕州開都督府。列於五筦。元和後廢之。兼領於容管。而有黃少卿之叛。議者始追咎失策。宋初經制未備。一旦儂智高竄發。破州城。沿江東下。嶺外幾不可守。及智高平後。乃分析其地。以漸制之。而邕州太守。特兼經畧安撫之號。兩江無事者垂百年。前之利害可觀也。往者予承乏廣西臬司。督理學政。凡符牒下兩江者。率閱月乃達。幸而不沉沒拆壞。能以時覆報者。十有二三。蓋視南寧如在荒服。視兩江谿峒。不啻化外。地既遠。則禁令之所及者多疏。萌芽容養。至於苞枿桀張。乃駭而圖之。亦其勢使然也。今夫古之部署方州。皆因山川形便。與其道里遠近所宜。故或因建瓴之勢。以臨制上游。或順臂指之義。以控運四外。要歸於建威銷萌、以久治安而已。若悉割兩江。東包廉欽。潯鬱以北。盡乎宜柳之境。屬之南寧。使自爲牧鎮。此所謂臂指之義也。則兩江谿峒。可以馴服。兩江既治。雖以南畧交趾可也。或曰。如此則何以爲廣西哉。曰。夫桂林故衡湘地也。天文分野。上屬翼軫。九疑蒼梧之山。形勢曼衍。首起衡嶽。腹蟠八桂。而尾達乎蒼梧。湘漓二水。分繞其下。桂林據其上游。若高屋然。此所謂建瓴之勢也。衡永邵道郴柱諸那。綴附廣西。并故所轄桂昭梧三郡統之。其封略爲不小矣。今荆湖地理闊遠。行部使者。病於不能徧歷。或議欲析而二之。而衡湘間數部。歲調兵食。以給廣西。蓋猶屬之也。若舉而移之。經制一定。爲嶺外安危計久遠。宜無出於此者。

明張岳南寧  
府志序按

張岳序文魏濬西事珥引之顧氏  
方輿紀要又引之皆那以刪節

南寧爲粵西雄郡。雖叢錯三十六峒。顧其地廣幾千里。而永平橫山。尤稱要害。

案明代永平橫山二寨、已不

屬南寧、昔唐宋建牙置帥。以與桂州埒。蓋視諸郡獨遼曠。可容數萬人云。自猺蠻不靖。仗兵

力於狼。用致諸狼稍驕。難盡束以法。守邕者在深察其情之向背。而低昂伸縮。恩與威兼焉

。邕庶幾其永奠乎。

明楊芳南寧府圖說、

南寧故稱邕管。牂牁峙其西北。交趾距其西南。三十六峒錯壤而居。延袤幾千里。橫山永平

。尤稱要害。歷唐及宋。建牙置帥。與桂州等。又夷曠可宿數萬師。凡征思田。及經畧安南

。舉唐及弭節茲土。其後猺蠻不靖。往往仗狼兵。急則藉爲前驅。緩則檄爲守禦。諸猺乃稍

稍驕恣。不可盡繩以法。議邕事者。謂宜開重鎮以復邕州督府之舊云。

史明廣西土司傳

內撫谿峒。外控蠻荒。南服有事。以爲襟喉重地。唐置邕管於此。以爲廣南唇

齒之勢。

唐咸通九年，南詔陷安南，明年轉陷邕州，四年，南詔復陷安南，遂進逼邕州，明年，圍州城，蓋州與安南接壤。

魚肉。宋皇佑四年，儂智高陷邕州，遂陷橫貴。元亦置重鎮于此。以鎮壓安

藤梧康端壘八州，又陷昭州，及賓州、

南。元至十六年，邕州路兼左右江谿峒鎮撫司、明用兵田州。及經畧安南。皆建節於此。蓋地居衝要。

勢所必爭也。

方輿紀要

宣化縣志外控廣源。內接溪峒。前標銅柱。想文淵昔日雄風。北鎖崑崙。見武襄

案銅柱不在縣境、舊志

當年偉伐。圖書集成  
引舊縣志

前羅象嶺。背枕泰青。溪流分派。江水朝宗。商賈輻湊。舳艫相望。府志

### 附丹徒陳慶林廣南置省議

兩粵以南、接虔越裳、東踰海峽、囊括瓊島、自古爲日南交趾珠厓儋耳諸郡地、幅似廣漠、可二千里、苗獠雜處、林箐幽邐、橫斷山脉、自滇南分支爲雪山、循緬越東行、歷太平、上思等府廳、至桂粵交界、起爲勾漏之山、磅礴鬱積、互乎中央、爲漢蕃天限、峯嶺峻峭、谿峒阻深、形勢險固、攻守相維、固大南一雄也、麗江之水、自越南東出、挾龍明崇善之水、滙篇鬱江、東合于海、又西江流域之上游也、而今之廣西南寧府、實當其衝、自是西顧、則龍州一廳、逼鄰邊界、爲中法商場、鐵道交通、門戶舜闢、雖有鎮南之關、而其險已失、固未足以爲雄也、度嶺南下、則東京海灣、面屏欽廉之前、半島西抱、曰汝港、吾北海關通問場在焉、翹首西望、則海以西貢、僅隔一排、固航行之所至捷也、迴帆東指、則雷瓊海峽、扼峙中途、涼山墻地、又吾瓊海關通商場之所也、攬其大勢、在無事可通東西之郵、萬一兵興、則中國海軍、可從山樹厥權於南海之南、以崇游、抑又歐亞成敗利鈍之所係也、東則湛（湛川）湛（嶺州）兩島並峙、吳川之南、（屬高州府）水石環列、形勢大然、此廣州海灣所繇成也、中樞鑰、百人入室、租借約成、光緒二十五年、許法國借此灣、泊船屯煤、訂期八十九年、百年長棄、追維往事、能不痛心、何況法人據此、志不在小、卑戰一隅、而所包甚跃、攬其大勢、則南川半島、實爲白腋、伸南出、則瓊崖兩州、易收諸掌、西岡北海、而欽廉諸屬、尤瀕于厄、然則洵若是、血粵桂以南、海南以西、不混于越耶、倘敢進窺高州、北圖兩粵、則肇羅梧鬱、隨在堪虞、一旦何失、將恐西江警察之權、固不止一英人能操、而別有打問題、起世人之研究也、烏虜、不亦危哉、予爲是懼、乃博綜圖籍、詳考万域、知其地勢、實負山面海、水陸交通、洵南服之屏藩、而邊疆之要地也、允宜別爲區畫、分置行省、爲南部樹援、而與兩粵成鼎足之勢、則苞黎磐石、既安且固、內治外交、益有裨補、豈惟國家幸福、抑亦兩粵之庥也、誤條叙其議、則下、曰、一宜析粵省西南地、與桂省南部地、別建省曰廣南、設巡撫藩學舉以下官治理之、佐兩者行政所不及、而防患於未然、凡爲府（七）曰南寧、太平、鬱林、高州、雷州、廉州、瓊州、商隸州、（三）曰欽、厓、儋聽、（二）曰上思、龍州、都十二屬、爲一行政區域、其省成名南粵、或曰南海、均隨時酌定、是爲區畫、一宜以南寧府爲撫藩學臬駐任地、稱省城、陸龍州爲直隸廳、駐陸路提督一員、以坐鎮之、裁去巡道、別設交涉使一員、管轄龍州關通商諸事宜、又陸瓊州水師總兵、爲水師提督、以重海防、凡雷州東、廣州灣西、東京灣、兩海灣、海上兵權、均委任之、陸鬱林州爲府、改廉欽道爲鬱廉欽道、移駐北海關、兼督商務、陸嶺州爲直隸州、析瓊之臨高、崖之昌化二縣屬之、改瓊崖道、爲瓊崖儋道、仍駐瓊山、

管海關事宜是謂官制此分省大畧也、或曰廣東西兩省、壤地相錯、水道交通、形勢比附、不可分離、被都人士、方亟亟謀聯合、冀利害損益之與共、而臻爲上治、今若更析置、將得母削弱、而勢力益渙散乎、不特此也、邇來省界曰重、人自爲國、畛域之見、不期而同、萬一分省後、自矜獨立、不謀翕合、豈非利未見、而害先陳、其於雜繫之初衷、或刺謬歟、則謹答之曰、是誠不然、省界之說、凡稍明事理者、都能闢之、今可毋辯、第亦思轄地愈廣、則政刑愈難于修舉、而風俗小益敗壞、而不可救、何況兩省之地、本犬牙交錯、漢獠雜居、山水迴互、險阻艱深、其在無事、尤妨治理、不可補救、今也外患內寇、風發雲擾、海疆邊防、隨在恐怖、十餘年來、東西二省、外交內政、煩長吏之憂勞者何可勝數、而頃且防城警、鎮南失守、披猖之勢、日益滋蔓、萬一兩省伏莽同時響應、則欽廉南寧必危、南寧失、而彼黨可乘勢東下牂柯、(即潯江)以取梧州、北渡崑崙關、兼由桂江上朔、以攻桂林、則湘中之地危、而洪楊之燄復張矣、豈不懼哉、且也防城、鎮南、俱中越交界、而龍州一關、尤中法之通商場也、在內亂誠無甚慮、若因次內亂血滋生外交、或以空言恫喝、迫其賠償損失、或以兵權實力、借防勦爲名、侵我邊地、如是則寇虜交訌、邊釁益啓甲申往事、寧不聞乎、何況西江問題、即緣內寇而起、若我不自勦、我不自治、將英可奪我警察權于西江者、法獨不可以侵我防勦權于防城鎮南乎、均霑利益、既有明文、示威運動、何妨踵起、嗟乎嗟乎我天南百萬衆、不將東西交迫、蹂躪無窮、形驅勢迫、悉數而流爲盜賊乎、爲預備立憲計、爲地方自治計、則廣南分省、實不容緩、雖然、駐巡撫于南寧、亦有說乎、曰、南寧東連梧鬱、西接太平、背負崑崙、宋狄青破儂智高處面屏茅嶺中貫鬱江、水陸四達、秉鉞于此、頗足以收居中馭外之效、前督臣岑春煊、與撫林紹年、會議改建省治于此、良以桂林僻居東北、道阻難通、本難縮絡全省、在昔南北有事、扼險而守、誠非無故、而今則時事不同、形勢悉異、改南寧爲省會、正所以屏藩南服、而筦折樞橋也、惜事經中梗、因循迄今、余爲此說、固欲以伸勦議、而更求完密耳、蓋彼僅移駐、此則分省、彼偏于桂、此兼籌粵、是遵彼之說、桂林猶不無空虛、若分省事成、則南北益形鞏固、寧非于廣西一隅、確有裨益者耶、然則雷瓊獨不可駐之重鎮歟、曰瓊崖孤懸海外、瘴濕多颶、萬無可開省會之理、然西隣強敵、覬覦心深、不設之防、寧能無患、前駐總兵、名位卑淺、誠不足示威望、故必改設水師提督一員以重防務、並增修戰備、編一艦隊、往來南海、專事巡邏、如此、則雷瓊以西、似可有恃無恐、而珠江流域、亦得資其護衛、是巡撫雖駐南寧、而水陸不已聯成一氣耶、要之廣南分省匪容稍緩、分之則中法交涉、其西在龍州者、僅及于廣南範圍而止、而不侵入廣西、其東在廣州灣者、亦僅及于廣南範圍而止、而不侵入廣東此名爲分析、而實厲保全兩廣之策于其中者也、況廣東之地、本南北狹、而東西長、在瓊崖一島、既零丁於海南、而高廉欽諸州、又斜插鬱林之南、與安南相遙接、策應不靈、統治匪易、此與桂林一隅、懸掣廣西全省、其陽碍情形、有以異乎、無以異也、惟分之、則東西兩省、界限秩然、華離悉去、而廣南之地、亦得因其形勝、獨立于前、豈非犄角之勞成而繫維之道周歟、其于措施、不益便哉、夫方夏割禹續昭、經界正斯治術顯、廣南之必分省、蓋亦欲正方夏而隆治績耳、大夫君子、邦人諸友、其亦有念于斯乎、予拭目俟之矣、

## 關隘

崑崙關（明史地理志）宣化縣東。有崑崙關。（方輿紀要）縣東北百六十里。原作百里、巉巖聳

拔。高出羣山。古設關山巔。以扼蠻峒。關上有臺。宋皇祐四年。狄青討儂智高。勒兵賓

州。別將陳曙。擅引兵擊賊。潰於崑崙關。青討之。旋引軍次崑崙關。元夜於軍中會飲。

引兵先度關。大敗賊兵。又熙甯七年。交趾分三道入寇。一自廣府。一自欽州。一自崑崙

關。連陷欽廉二州。又陷邕州。蓋關為縣境之要衝也。志云。關扼賓邕之險。旁多歧嶺。

與諸峒通。據關而守。間道所當慮也。（府志）清左江鎮標前營。撥兵戍守。道光二十六年。知

縣柳際清。重建樓三楹。祀狄武襄公。前建亭一座。（採訪）關城。明永曆二年。副總兵朱桓，

趙康璘等、同修。咸豐十年六月。翼王石達開。引兵回廣西。其將賴裕新。自賓州上林渡

關。將攻郡城。裕新最慘虐。鄉民憤。因設伏敗之。（青阮元伙青間道渡兵崑崙考）宋史伙青、余靖、

、會翠襍錄所載、亦為得實、惟沈括夢溪筆談一段、為世人所口炙者、余昔嘗疑之、今親至邕州、知其侈也、筆談

言智高守崑崙關、按上年十二月、鈴轄陳曙、戰敗于金城、在關之南、曙兵弱而少、若智高固守關、曙必不能至金城

、惟智高狃於金城之勝、所以更不分賊在此為守備、故會翠雜錄、載青之言曰、賊不知守此無能為也、筆談又言

、青值上元、大張燈燭飲晏、燕飲三夜、一鼓、青稱疾潛出、至曉、座客未敢退、忽報是夜三鼓、已奪崑崙關矣、

此亦謬也、余今由賓州九十里、至關頂四十里、漸落平地、為金城寨、由金城至南寧府、即邕城、尚有六十里、

而歸仁鋪、距城北僅二十里、若武襄十六夜二鼓出賓州、豈三鼓即能到關、賓州又何以曉即得報、今以道里及時日

推之、必是十六日暮、課已報關無守備、武襄遂夜冒風雨而出、即使騎遠、亦須五鼓到關方夜出時、必留密令、

戰即暮也、狄青傳、亦唯言整軍騎、一晝夜絕崑崙關、出歸仁鋪耳、所言飭者自是指在後之大軍而言、固未言張鑑

為三徹夜之燕飲也、武襄至賓、即斬失律者三十二人、而陳曙之敗、余靖實迫之、武襄不能罪同列、而斬其次、所

■桂人哀之而立廟、王明清揮塵後錄、有蘇東坡謂陳崇儀死非其最之語、夫斬將士至三十二人之多、雖曰明罰、然

旋為三徹夜鐙燭之燕飲、鞏無是情、籍偽示賊以暇、恐賊謀未聞、而軍心先惰、故示具五日糧、元宵犒兵或有之

、三夜鏖宴、塵客待曉、武襄未必如此沈括所談非盡實矣、余觀崑崙不其險、惟山谿迴複數十里、宜防伏兵、謀者非祇備開與否、尤以謀與否爲急、若有備、伏遂不進乎、余思武襄必有佯攻正適、潛兵越行間道之計、今按州西南行、由武緣本有路可達南寧城、特多百里耳、又按余靖平蠻京觀碑及平蠻三將題名碑、皆言正月己未、青至歸仁鋪、賊舉眾出墟拒戰、大敗之、宋史仁宗紀、則以爲戊午日、當以碑爲得實、宋史皇祐五年正月壬寅朔、己未、正是元宵後三日、乃正月十八日也、余靖碑誌、又言追奔十五里是也、宋史狄青傳、言追奔五十里亦誤也、由歸仁至城、僅二十里、此碑之所以勝於史也、(宋陶弼崑崙關詩)關路下崑崙、蠻封迤邐分、春光偏著草、雨意不離雲、俗異君修德、時平將用文、臨溪照綠水、老鬢雪紛紛、(元陳孚過邕州崑崙關詩)昨日過大林關、酸烟霧山復山、今日過崑崙關、寒泉怒瀉聲潺潺、道傍榕葉密如織、千柯萬葉巖崖間、怪藤倒懸一百尺、霜雪不剝皮堅頑、勢如蛇螭、矯下絕壑、駐馬側視不敢攀、老虺忽何來、眼閃電光尾灣灣、山童驚顛發卓豎、勸我急勒金鞍還、因思狄天使、貔貅夜度推狂蠻、上元燈火杳杳處、至今野燒痕爛斑、我雖一書生、袖有青絲綸、誓將報天子、**青**避路路險艱、邕州南征士、三萬鐵甲未解寒、恫瘝我身七尺不能勇、金符正爾羞蒼顏、鐵鞭揮出關去、孔雀飛下滄江灣、(江西儒學提舉山陰楊維禎狄武襄吟)資州海月光團團、劍花火樹燒爛斑、將軍如內客未散、捷書已奪崑崙關、當時諫官疑武士、豈知辦賊遽如此、於乎銅而將軍今豈無、世無丞相龐公甘老死、(明大學士茶陵李東場崑崙關樂府)崑崙關頭戰骨枯、龍衣染血紅糝糊、軍中喧言老儂死、不是彼儂焉有此、將軍貴實不尚功、世上焉有將軍忠、君不見漢王一救軍中守、武將紛紛皆藉口、(國子祭酒景陵魯鐸崑崙關詩)路上崑崙上、中林不見天、巢卑幽爲護、樹老怪巖巖、空翠疑成滴、陰崖飛近邊、前驅知不遠、築隔蒼烟、(提學僉事吳縣袁袞慶崑崙關寄馬侍御君卿詩)崑崙關外卽邕州、遷客那堪此地遊、九折坂盤疑棧道、萬里山險抱江流、時平不見十戈、警身病仍聞瘴癘愁、五嶺古來無雁到、思君何處慰離愁、(布政使上元謝少南崑崙關二十韻)仄足崑崙上、巋然虎豹雄、峯凌萬石出、關關兩崖通、先旭燕霞紫、遲昏開靄紅、地高南逼斗、山遠北連空、絕壁含槎古、飛巖拂草豐、泉聲千尺底、樹色百盤中、嶺並驚鷲跡、林皆掛猓囊、縈紆回鳥靈、剝鑿啓鴻濛、峻阪防旋馬、淳窪忽起虹、未能尋隱穴、徒詫秘仙宮、越駱重險、交邕挹下風、蒼梧虞帝轍、銅柱漢家功、瓊建無勳、梯懸失仰攻、威儀探組練、氣象表羆熊、殘壘傳儂寇、潛師使狄公、時平談往事、世久罷屯戎、商旋宵無、樵蘇歲月終、海夸從入篋、巢鳥不傷弓、裔徹藩垣壯、中華界限崇、聖朝要服化、吾愧播文同、(陳瑾崖嶺步陶使君韻昔日關山路、百盤鳥道中、暮鷲翻廢堞、秋隼下高風、裹甲憐宵渡、封丸計日通、邦人思惠政、猶自說商翁、(清劉元清崑崙觀狄武襄戰處詩)粵之西今有崑崙、岫嶺聳拔勢獨躡、一山兩踞賓邕界、不減泰行與劍門、憶昔廣源州蠻寇、嶺南疆域盡蹂躪、踪問誰秉鉞、專武襄合兵孫余從、維恰值上元節、飲將厭厭夜不輟、忽報三鼓破崑崙、軍機不測稱神哲、迄今五百有餘年、人往蹟存勳可傳、登山眺望覓遺處、漠然徒見草芊芊、(鎮安知府武進趙翼崑崙關詩)一甌酒軍門正滿、嚴關夜半已潛驅、千秋曲自(註今各土司皆公從征將校之後也)皆番落、一片山川倘陣圖、何必梁公爲遠祖、不妨季布是黔奴、經過想見英雜

氣、古木靈風叫鷓鴣、（阮元題崑崙關策騎圖）巡過龍賓「自註龍州、賓州也、龍州、即今之柳州柳城縣、」又入邕、「自註州名、今南寧府城、秦桂林郡、唐書地理志邕州本南晉州、一書將秋色代初冬、一關路阻分雄鎮、一面陰森盡古松、頗有雲山宜策騎、久無夜宴似征儂、時平正恐軍心惰、注目西南十萬峯、」自註邕州西門即廣東欽州之西北西有十萬大山接交阯界」（又自賓州至邕州過崑崙關觀狄武襄進兵處詩）皇祐三年冬、武襄入西粵、蕃禁合士兵、師集歷三月、文臣不相牽、宦官不相軋、三十二罪人、毅然縛而殺、曙敗靖迫之、有廟祀鈴轄、一戰大功城、軍制明賞罰、我今來賓州、武襄所頓歇、豈爲宴上元、必待謀而發、我來崑崙關、武襄所夜奪、謀知賊無備靖汙未及察、若其備伏巖、此險難直達、問道在關西、佯攻且潛越、我來歸仁驛、武襄所撻伐、山平蕃騎便、左右易馳突、賊氣出標牌、軍聲動刀鉞、自註此戰以馬上刀斧、破步賊之標牌、我來邕州城、武襄之所拔、詰朝整旅人、智高已夜脫、武襄料賊明、騎蹴使步蹶、自註武襄在汴、已請蕃落數百騎、早定以騎蹴賊之策、武襄偵賊真、夜出決倉猝、武襄得地早、過險勢莫遏、武襄防患慎、不遽窮其窟、載績載史書、雖會識顛末、若非見地形、游談誤沉括、

大夾嶺（府志）明大夾舖。（宋史蘇緘傳）宋神宗熙寧九年。交趾圍邕州。大將張守節。自桂州來救。逗留不進。提點刑獄宋球督之。守節惶恐。遽移屯大夾嶺。回保崑崙關。猝遇賊。不及陣。舉軍覆焉。（採訪）在縣東北一百一十里。今名七塘驛。驛跨馬嶺上。北經茶店口。山心驛。至崑崙關。凡五十里。皆夾谷也。嶺南有火夾村。大營村。

金城寨（明史地理志）宣化縣東有金城寨。（清統志）縣東八十里。本宋金城驛。皇祐四年。廣南西路將陳曙。擊儂智高於邕州。敗於金城驛。即此。明洪武四年。改爲寨。置巡司。（採訪）宣統三年廢。

關山堡（方輿紀要）縣東北八十里案、當十作一百二十里、防賓州淥里之寇。（府志）在上東鄉四圍。明置防守目兵三十人。今廢。（採訪）今爲舊寨村。在山心驛北。

歸仁舖（方輿紀要）府東三十里。狄青討儂智高。陳於歸仁舖。賊兵大敗。智高遁去。築京觀於舖側即此。

大座堡（方輿紀要、縣東北三十里。防賓州武緣諸山蠻寇。（府志）在下東鄉一圖。明置防守目兵五十人。今廢。（採訪）在歸仁驛北二里。

伶俐堡（方輿紀要）距永淳石洲堡十五里。綠境堡二十五里。（採訪）在縣東一百三十里。鬱江北岸。今爲伶俐墟。

天窩堡（方輿紀要）在伶俐堡西二十里。明代俱設兵防守。而工食則取給於永淳。蓋永淳上游之衛也。（採訪）今爲天窩村。縣東一百一十里。鬱江南岸。

淥泊坳縣東一百里。索靈坳。縣東一百二十里。楞基坳。縣東一百三十里。高百丈。谷口長五里至八里。

那懷汛縣東一百三十五里。接靈山界。舊置戍焉。康熙間。左江鎮郭義。以兵應吳三桂。

屯踞此山抗官軍。（靈山縣志）那懷山。在那樓墟東十二里。爲靈永宣三邑之界。國初建大營屯兵防守。遺址尚存。

都稜鎮（唐書）武緣縣西有都稜鎮。（元和郡縣圖志）在武緣縣。案此唐武緣縣、詳沿革古蹟、西水路一百里。（採訪）今爲蒲廟圩。

八尺寨（明史地理志）宣化縣。南六十里。有八尺寨。以近入尺江爲名。明初置巡檢司。今因之。地最險要。設官兵駐防。（採訪）宣統三年廢。

三十六曲 在縣南五十里。山勢曲折之數三十六故名。有峽長十里許。踞蒲津、那馬、亭子、吳村、四鄉之界。

鳳凰巢縣南五十里。有峽谷。光緒二十九年。總兵黃忠立殲寇處。

團羅堡（方輿紀要）府南九十里。（府志）在太平鄉一圖。界連廣東靈山縣。明設鄉兵三十名

。防守。今廢。（採訪）故址今三官鄉圍羅村。

那漏堡（方輿紀要）團羅堡。又南二十里。有那漏堡。防廣東靈山欽州之寇。（府志）在太平鄉五圖。界連廣東欽州。明設鄉兵三十人防守。今廢。

三官堡（方輿紀要）三官堡。在府南那悟村。嘉靖三十年置。（府志）縣南二百二十里。界連廣東欽州。山嶺錯雜。頗稱要害。（採訪）舊有土舍劉氏。雍正七年裁革。改設巡檢司。駐

大塘墟。兼那曉汎。官兵駐防。光緒末。提督龍濟光設炮台於那悟墟。扼欽靈流賊之路。

遷隆寨（明史地理志）宣化縣西。有遷隆寨。（清統志）縣西南九十里、案統志以遷隆爲宋故寨誤、說見下、採訪

舊有巡司駐蘇墟。宣統三年廢。

左江鎮（九域志）宣化有左江鎮。（採訪）縣西七十里。今爲揚美墟。（通鑑）唐穆宗長慶三千

秋。黃峒蠻今扶南縣以西、破左江鎮。胡三省曰、宣化西有左江右江二鎮。

合江鎮（九域志）宣化有合江鎮。（方輿紀要）府西五十里。左右兩江合流處。宋狄青敗儂智

高於歸仁舖。智高自合江口。遁入大理即此。（採訪）今名三江口。有礮臺。

右江鎮（九域志）宣化有右江鎮。（採訪）縣西七十里。今名那龍墟。（清統志）舊爲那龍寨。有巡司。雍正七年省。併入那南寨管轄。

那南寨（明史地理志）宣化縣西有那南寨。（清統志）縣西六十里。舊設巡司。（謝通志）乾隆

三十一年。省潭落巡檢司。（謝通志）縣西北一百一十里。乾隆四十七年設巡檢。

淥開堡（方輿紀要）縣西北四十里。在西鄉四圖。明設鄉兵五十人防守。今廢。又西有木棉

堡。及渠宋堡。一作三河堡防羅陽縣白沙、那昏、長沙、諸寇。（採訪）今潭落鄉村名。

石步鎮（九域志）宣化有石步鎮。案原作魚步、今訂正、（採訪）縣西三十里。今爲石步墟。步或作埠、

隴墟隘 縣北九十里。光緒三十年。官軍殲流寇於此。

甘洞隘 縣北六十八里。光緒二十九年。官軍殲流寇此於。（武緣志）在武緣縣南六十里。

高峯隘（府志）縣北六十里（粵西叢載）明嘉靖三十三年八月。八寨賊越南寧城。劫庫。殺守卒四人。官軍追逐過高峯隘。至武緣葛墟。散入八寨。十二月。賊復入南寧城。欲劫府庫。指揮李光、射殺賊。賊潰走入寨。四十年八月。賊復越城。劫宣化縣庫。殺軍欸二十一人。

。官軍追捕至關山堡。高峯隘膺墟。今武鳴地諸路。入八寨。事聞。撫按降調官軍罪罰有差。

（古今圖書集成）舊爲鋪站。武緣縣撥兵十四名防守（謝通志）西至甘峒隘二十里。（武緣縣圖經）東至葛墟隘十五里。（採訪）嘉慶十六年。武緣知縣宋慶。和州同張堡。開鑿大路。

行旅便之。見宋慶和碑記。（青黎簡高峯隘詩）高峯雙壁路、一線裊懸空、馬竭嘶雲表、人來出石中、田青四月雨、一武緣四月始種與他處異、天黑八蠻風、莫自悲行役、春天攪斷蓬、（縣

布衣唐毓驩過高峯隘聽泉口號）山外運山又一山、山連山斷白雲環、山山都有流泉響、知是泉流出石罅、（又高峯隘阻雨詩）疾雨阻人行、欲晴仍未晴、乍似雲影散、因放石泉鳴、山鳥倦於語、野花醉已醒、振衣危磴上、四矚客心驚、（又過高峯隘口占）山峯處處奇、山水潺潺響、山樹鬱葱葱、山風吹莽莽、山花白間紅、山鳥來還住、山路任崎嶇、山行胡不敢、

馬嶙隘 縣東北八十里。通武鳴葛墟。（武緣縣志）皆崇山峻嶺。層巒疊嶂。上連賓州、上林、之思隴驛。爲崑崙關鎖鑰。下接宣化之下東鄉。橫亘數百里。人跡罕至。奸宄往往盤踞

其間。案邕武界上、阨塞以十數、皆跨封陵山脊、直縣東北西北兩方、明代兵巡道駐南寧、兼葛墟兵備、東制入寨、北控九司、置兵列戍、此爲襟喉、光緒之季、流寇亦溯跡是間、屢煩兵力而後定云、

三岑坳 縣東北九十里。通武鳴綠轎隘。光緒二十九年。官軍殲流寇於此。（古今圖書集成）綠轎隘。在武緣縣南四十里。

附方輿紀要誤載橫山寨原文

橫山寨。府東指南寧府、即今縣東、橫山上。唐嘗置橫山縣。宋置寨。皇祐元年。廣源州蠻儂智高

。據安德州。沿鬱江東下。攻邕州橫山寨。殺守將。尋陷邕州。紹興三年。詔市馬於

橫山砦。置博馬場。以經畧安撫司總其事。開慶二年。蒙古兀良哈台。自交趾西北。

破橫山。進陷賓州。象州。趨靜江。蓋鎖鑰重地也。

案太平寰宇記一橫山。即橫山。在府西四百里。邕州帥府也。其山橫截江河故名。一統志。橫山在

田州東南十里。宋紹興三年。置買馬市於橫山寨。今田州平馬塘是。即恩隆綫平馬市

也。而顧氏方輿紀要。列諸縣東。大誤。考唐書地理志。邕筦橫山縣有二。邕州朗寧

郡橫山縣。以武德間。折宣化置。乾元後省。田州橫山郡橫山縣。以開元中置。貞元

後省。而隸郡，各自不同。宋於田州置橫山寨。獨沿唐舊名。與邕之橫山舊縣無涉。

顧氏混而一之。宜其誤已。又嶺外代答。中國通道南蠻。必由邕州橫山寨。自橫山一

程。至古天縣。今百色縣。一程至歸樂州。今凌雲縣、歸樂墟、一程至唐興州。今凌雲縣、唐興塘、一程至唯殿州。

今作汪甸、即凌雲汪甸塘、有稅局、一程至七源州。當在今凌雲百樂墟附近、一程至泗城州。即古泗城州、在今凌雲縣西、一程至古那洞。

一程至龍安州。今西隆舊州、一程至鳳村山渡江。紅水江也、一程至上展。一程至博文嶺。一程至

羅扶。疑今貴州羅斛、一程自杞之境曰磨巨。又三程至自杞國。今貴州普定縣、則自今恩隆、歷百色、

凌雲、西隆、以入貴州之道也。若欲至特磨道。今廣南府、亦自橫山寨。一程至上安縣。

一程至安德州。一程至羅博州。一程至陽縣。一程至隘岸。疑即今剝隘、一程至西寧州。一

程至富州。今雲南土一程至羅拱縣。一程至歷水鋪。一程至特磨道。則自今恩隆、恩陽

剝隘。入雲南之路也。總上橫山寨所通。自杞特磨。其地可攷。而所經皆在今田南道

之域。若寨果在縣東。如顧氏所云。其通南蠻自縣東起。須先歷邕州而後可。有是理

乎。惟范成大論馬政。自橫山寨至邕州七程。自邕州至經略司。案今又十八程。李心傳

記、亦云橫山寨、至桂林。其言道里。最為確切。正與今由恩隆歷縣境。達桂林之道里脗合。則

橫山寨為今恩隆平馬市。夫復何疑。且也宋於邕州設建武軍節度。以知州領之。管左

右江羈縻州峒四十餘。而分置五寨。宋史地志、九域志、皆作五寨。以臨之。各寨俱有都監

巡檢。鈐束戍兵峒丁。所以制交趾而控大理。其隸左江道者四。曰太平寨、曰古萬寨

、曰永平寨、曰遷降寨。隸右江道者一。曰橫山寨。據明史廣西土司傳所載。宋代諸

寨州之分屬五寨者。太平寨。有太平、今土思同、今同萬承、今州擬都結、結倫。並今鎮

城恩、今崇善縣龍州。今養利。今諸州。古萬寨。有崇善縣。古崇善縣、在今左州。今左

州。今崇善縣。有思明。今寧明明上石西。今明江下石西。憑祥。今恩陵。今恩樂諸州。

遷降寨。有羅白。今崇善縣羅陽。永康。並今同諸州。而橫山寨所屬尤廣。凡田州。今恩

陽、泗城州。今凌雲西隆鎮安軍民安撫司。今天保奉向武州。都康州。並今向上映州。

皆是。其地無在縣境者。太平寨。在今崇善縣治。今域志邕州太平寨、在州西五百永平寨

。在今寧明。明江。兩縣境。宋史趙高傳、高征夜趾、復還永平、元史鎮南王脫歡、征占城、次永平

寨、交人來拒、乃於永平寨北二里、築萬戶府、為守寨、明史地理志、思明

土府、有永平寨巡檢司、廣西土司傳、永樂三年、思明土司官黃廣成、泰安南侵奪其永平寨地、請遣古萬寨。今使諭還、從之、又明史地志、思明府、有永平寨、而方輿紀要、亦言永平在南寧府西十程、

爲崇善縣之馱廬。清統志云、古萬寨、在新寧州北、宋置五寨之一、明統志、左至遷隆一寨。據清江自交趾流五百八十里、至古萬寨、下流九十里、至合江鎮、

一統志。以縣西南舊遷龍寨巡司。

今遷龍鄉、爲宋故寨。無論遷隆與遷龍字義各別。但遷

龍巡司。在宋爲如和縣治。已併入宣化矣。遷隆寨。既屬左江道。準漢書地有蠻夷曰道之例。宣化境內。不應縣道並設。則遷隆寨。即今遷隆土峒耳。然則各寨之不在縣境。正不僅橫山爲然也。